

孫真人備急千金要方卷之七十六 蠶

宋朝蘇州守太常少卿元松閣校理林億等校正

備急方

蛇蟲等毒第二論方

治因熱逐涼睡熟有蛇入口中挽不出方

以刀破蛇尾内生椒三兩枚裹著須臾

即出肘後方云艾葉蛇尾即出若無艾葉以刀周而割蛇尾截今皮斷乃於

皮側脫

治蛇入人口并七孔中者方

割母猪尾頭滴血著口中即出

又方以患人手中指等截三歲大猪尾以器

盛血傍蛇瀉血口中拔出之

治卒為蛇繞不解方

以熱湯淋之無湯令人尿之

治蛇蠍螫方

服小蒜汁薄上肘後方云治蛇螫

又方熟搗葵取汁服之

治蛇噬方

人屎厚塗帛裹即消

治蛇毒方

消蠟注瘡上不癢更消注之

又方以母猪耳中垢傳之肘後方云牛耳中垢亦可

治蝮蛇毒方

令婦人騎度三過又令坐上

又方以射罔塗腫上血出即愈

又方生麻措葉合搗以水絞去滓漬之

又方令婦人尿瘡上

又方末薑薄之乾復易

治諸蛇毒方

雄黃 乾薑各等分

右二味為末和射罔著竹筒中帶行有急

用之

又方雞屎二七枚燒作灰投酒中服之

又方以麩團上令童男尿著中燒鐵令赤投

中冷復燒著二三度瘡

又方雄黃為末傳上日一易

又方鹽四兩水一斗煮十沸沸定以湯浸冷

易之

又方搗紫莧取汁飲一升以滓封瘡上以少

水灌之

又方梳中垢如指大長一寸尿和傳之

又方取合口椒葫荑苗等分搗傳之無不瘡

又方男子陰間毛二七枚含之有汁即咽却

秘方也

又方用銅青傳瘡上

又方搗大蒜和胡粉傳之

又方口嚼大豆葉塗之良

又方猪脂和鹿角灰塗之

又方炙梳汗出熨之

入山草辟衆蛇方

乾薑 麝香 雄黃各等分

右三味搗為粗散以小絳袋盛帶之男左

女右蛇毒塗瘡集驗方云如無麝香以射罔和代之最急方云以蜜和為膏傳

又方常燒殺羊角使煙出蛇則去矣

治蛇螫人瘡已愈餘毒在肉中淫淫痛癢方

大蒜 小蒜各一升

右二味合搗以熱湯淋以汁灌瘡大良

治蛇骨刺人毒痛方

鐵精如大豆許內管中吹內瘡中良

又方燒死鼠為末傳之

治衆蛇螫方

灸上三七壯無艾以火頭稱瘡孔大小
灸之

治虎咬瘡方

濃煮葛根汁洗十數遍及搗為散以葛
根汁服方寸匕日五甚者夜二

又方青布急卷為繩止一物燒一頭燃內竹
筒中注瘡口熏之妙

又方煮鐵令濃洗瘡

又方罽粟子塗之良

辟虎法

凡入山燒水牛殺羊角虎狼蛇皆走

論曰凡見一切毒螫之物必不得起惡心向
之亦不得殺之若輒殺之於後必遭螫毒治

亦難瘥慎之慎之

治蠍毒方

凡蠍有雌雄雄者痛止在一處雌者痛
牽諸處若是雄者用井底泥塗之溫則
易雌者用當瓦屋溝下泥傳之若值無

兩可用新汲水從屋上淋下取泥

又方取齒中殘飯傳之又猪脂封之又射罔
封之又硃砂和水塗上立愈

治蠍螫方

若著手足以冷水漬之水微煖則易之

著餘處者冷水浸故布揄之小煖則易

又方生烏頭為末唾和傳之

治蜂螫毒方

取瓦子摩其上唾二七遍置瓦子故處

治蜂螫方

猪脂

蜜各五

蠟二兩

右三味和煎如膏候冷以塗之

又方燒蜂房為末膏和塗之蜂房燒之入生煎

又方酥脂塗之立愈

又方燒牛屎及苦酒和塗之

又方齒垢塗之

又方淳酢沃地取泥塗之

又方罽鹽塗之

又方以人尿新者洗之

又方尿泥塗之

又方反手捨地上土傳之

論曰凡蠅蝮蟲尿人影著處便令人病瘡其
狀身中忽有處瘡痛如芒刺亦如刺蟲所螫

後起細瘡癩作聚如菜葉子狀四邊赤中央

有白膿如黍粟亦令人皮肉急舉身惡寒壯

熱劇者連起竟腰脇曾治之法初得之摩犀

角塗上止其毒治如大丹法余以武德中六

月得此疾經五六日覺心悶不佳以他法治

不愈又有人教畫地作蠅蝮形以刀子細細

盡取蠅蝮腹中土就中以唾和成泥塗之再

塗即愈方知天下萬物相感莫曉其由矣

治蠅蝮尿方

殺羊毘燒灰臘月猪脂和封之

又方擣豉封之

又方酢和胡粉塗之

治蠅蝮尿瘡方

燒鹿角為末以苦酒和傳瘡上已有汁

者燒道傍弊蒲席傳之

又方槐白皮半斤切以苦酒二升漬半日刮

去瘡處以沈日五六遍仍以赤小豆為末以苦酒和傅之燥復易小兒以水和

又方嚼大麥以傅之三日

又方燕窠中土以猪脂和傅

又方熟嚼梨葉以水和塗燥復易之

又方爛搗馬鞭草以傅上燥則易之

又方取吳茱萸東行根下土酢和塗之

治三種射工蟲毒方

論曰江南有射工毒蟲一名短狐一名蛟其

蟲形如甲蟲外臺云正果狀如大飛生有一長角在口前

如弩機臨其角端曲如上弩以氣為矢因水

勢以射人人或聞其在水中鈹鈹作聲要須

得水沒其口便射人此蟲畏鵝鵝能食之其

初始證先惡寒發瘰寒熱筋急仍似傷寒

亦如中屍便不能語朝旦小蘇晡夕輒劇寒

熱悶亂是其證始得三四日當即治之治之

稍遲者七日皆死初未有瘡但惡寒瘰瘰及

成瘡似蠅螻尿亦似瘰疽瘡射工中瘡有三

種其一種瘡正黑如黛子皮周邊悉赤或衣

犯之如有芒刺痛其一種作瘡久久穿或瞷

間寒熱其一種如火灼燥起似此者最急數

日殺人備急方云有四種其一種突起如瘰

治射工中人寒熱或發瘡偏在一處有異於

常者方

取鬼曰葉一把清苦酒中熟搗絞取汁

服一升日三

又方取生吳茱萸莖葉一握斷去前後取握

中熟搗以水二升煮取七合頓服

又方取葫切帖瘡灸七壯

又方取蜈蚣大者一枚灸治為末苦酒和

以傅瘡上

又方取赤苧葉熟搗絞取汁每服一升日四

五服

又方白雞屎取白頭者三枚湯和塗中毒處

又方

升麻各二 犀角

烏扇根各二

右三味咬咀以水四升煮取一升半去滓

分再服相去如一炊頃盡更作

治射工中人已有瘡者方

取芥子爛搗苦酒和厚塗瘡上半日痛

便止

又方取狼牙葉冬取根搗令熟薄所中處又

飲四五合汁

治射工中人三種瘡方

升麻各二 烏扇根各三

右二味咬咀以水三升煮取一升適寒溫

盡服滓薄上

五香散治江南毒氣惡核射工中人暴腫生

瘡方

甲香 犀角 鼈甲

升麻 薰陸香 烏髮

丁香 沈香 黃連

青木香 羚羊角 黃芩

甘草 牡蠣各四 吳茱萸各三

黃蘗各六

右十六味治下篩中射工毒及諸毒皆水

服方寸七日三升以水和少許洗之仍以

雞子白和塗腫上乾則易

野葛膏治射工惡核卒中惡毒方

野葛升 巴豆 烏頭

蜀椒各五

茵芋

躑躅

附子

丹砂各一

雄黃

大黃各七

右十味治下篩以不中水猪膏三斤煎三上三下去滓內丹砂雄黃末攪至凝以棗

核大摩痛上勿近眼凡合名膏皆無合產婦女人小兒雞犬六畜見之惟宜清淨

治沙虱毒方

斑貓二枚一枚熬為末服一大枚燒令煙絕為末著瘡中

又方大蒜十枚止一物合皮安熱灰中炮令熱去皮刀斷蒜頭取熱挂所著毒處

又方

麝香

大蒜

右二味合搗以羊脂和著小筒中帶欲用

取傅瘡上

又方

雄黃

朱砂

恒山各等

右三味取五月五日中時令童子合之

取傅瘡上

治石蛭方山水中陸澤草木上石蛭若人則穿斃人肌骨行人肉中沒任瘰起如蟲行

凡行山路草木中常以臘月猪膏和鹽塗脚脛及足趾間跌上及著鞋鞋蛭不得著人也已著者灸斷其道即愈

治水毒方

論曰凡山水有毒蟲人涉水中人似射工而無物其診法初得之惡寒微似頭痛目匠疼心中煩懊四肢振煖腰背百節皆強兩膝痛或翕翕而熱但欲睡旦醒暮劇手足逆冷至肘膝二三日腹中生蟲食人下部肚中有瘡

不痛不癢令人不覺不急治過六七日下部出膿潰上食人五臟熱感毒煩下利不禁八九日雖良醫不能治矣覺得之急早視其下部若有瘡正赤如截肉者陽毒最急若瘡

如鯉魚齒者為陰毒猶小緩要皆殺人不過二十日也欲知是中水與非者當作五六升湯以小蒜五升吹咀投湯中消息勿令大熱去滓以浴之是水毒身體當發赤斑無異者非也當以他病治之

治人忽中水毒手足指冷或至肘膝者方

吳茱萸升一

生薑各半

犀角

升麻

橘皮各二

烏梅十四枚

右六味吹咀以水七升煮取二升分二服又方浮萍草曝乾為末酒服方寸匕

又方取梅若桃葉搗絞取汁三升許或乾以少水絞取汁飲之小兒不能飲以汁傅乳頭飲之

又方搗蒼耳汁服一升又以綿裹杖沾汁導下部日三瘡

又方搗蓼一把以酒和絞取汁一升飲之不

過三服瘡外臺射後

又方搗藍一把水解以塗浴面身體令遍又方搗蛇莓根為末水飲之并導下部生者用汁凡夏月行常多齋此藥屑入水以方寸匕投水上流無所畏又辟射工凡洗浴以少許投水盆中即無毒

治貓鬼野道病歌哭不自由方

五月五日自死赤蛇燒作灰以井花水服方寸匕日一。針灸方見別卷中

又方臘月死貓兒頭燒灰水服一錢七日二
治貓鬼眼見貓狸及耳雜有所聞方

相思子 草麻子 巴豆各一
朱砂末 蠟 各四

右五味合搗為丸先取麻子許大舍之即

以灰圍患人前頭著一斗灰火吐藥火中
沸即畫火上作十字其貓鬼並皆死矣

治蜘蛛咬毒方

人屎俾入油定俾又炮薑貼之又御孫
屎俾之

又方烏麻油和胡粉如泥塗上乾則易之

治馬噉人及踏人作瘡毒腫熱痛方

馬鞭梢 長二寸 鼠屎 二七

右二味合燒為末以猪膏和塗之立愈 外

方云治遠年瘡爛經久不愈者即
復方云用馬鞭梢燒末猪膏和塗

治馬噉人陰卵脫出方

推內入以桑皮細作線縫之破烏雞取
肝細剉以封之且忍勿小便即愈

治犬馬噉及馬骨刺傷人及馬血入舊瘡中
方

取灰汁熱漬瘡常令汁器有火數易汁
勿令爛入肉三數日漬之有腫者炙石
熨之日二消止

治馬血入瘡中方

服人糞如雞子大復以糞俾瘡上

又方取婦人月水俾之神良

治刺死馬馬骨傷人毒攻欲死方

便取馬腸中屎以塗之大良 外臺方云
取其屎燒

治馬汗馬毛入人瘡中腫痛欲死方 又服方
十七

以水漬瘡數易水便愈又以石灰俾之

又方飲醇酒取醉即愈

又方燒雞毛作末以酒服方寸匕

又方以沸湯令得所浸洗之取瘡

論曰凡春末夏初犬多發狂必誠小弱持杖

以預防之防而不免者莫出於灸百日之中

一日不關者方得免難若初見瘡癰痛定即

言平復者此最可畏大禍即至死在旦夕凡

狂犬咬人著訖即令人狂精神已別何以得

知但看灸時一度火下即覺心中醒然惺惺

了方知咬已即狂是以深須知此此病至
重世皆輕之不以為意坐是死者常年有之
吾初學醫未以為業有人遺此將以見問吾

了不知報答以是經吾手而死者不一自此
銳意學之一解已來治者皆愈方知世無良

醫枉死者半此言非虛故將來學者非止此

法餘一方皆須沈思留心作意懇學之乃

得通曉莫以初解一兩種法即謂知訖極自

誤也聊因方末申此一二言不盡意耳

又曰凡獠犬咬人七日輒應一發三七日不
發則脫也要過百日乃得免耳每到七日輒

當搗韭汁飲一二升又當終身禁食大肉蠶

蛹食此則發死不可救矣瘡未愈之間禁食

生魚及諸肥膩冷食但於飯下蒸魚及於肥

器中食便發不宜飲酒能過一年乃佳 外臺方云

若重發者主食蛤蜊蛤蚧絕良亦可燒炙食之
必令其人知初得當毒便為之則於後不發
也

治獠犬毒方

頭髮 各等 狷皮 各等

右二味燒灰水和飲一杯口噤者折齒內

藥

又方搗地榆絞取汁塗瘡無生者可取乾者以水煮汁飲之亦可為末服方寸匕日三兼傳上過百日止

又方搗韭絞取汁飲一升日三瘡愈止亦治愈後復發者四五

又方刮虎牙若骨服方寸匕小品方云刮根已發狂如刺大者服即愈

又方燒虎骨傳瘡及慰又微熬杏仁搗研取汁服之良又取燈盞殘油灌瘡口此皆禁酒

○猪肉魚生菜

又方用韭根故梳二枚以水二升煮取一升頓服

又方挑東南枝白皮一握水二升煮取一升分二服吐犬出

又方取制犬腦傳上後不復發

又方蝦蟇灰粥飲服之

又方服葭若子七枚日一

又方梅子末酒服之

又方以豆醬清塗之日三四

治狂犬啣人方

蛇脯一枚炙去頭搗末服五分七日三

又方搗葭若根和鹽豉傳日三

又方青布浸汁服三升

又方飲驢尿一二升

治凡犬啣人方

熬杏仁五合令黑碎研成膏傳之

又方取竈中熱灰以粉瘡中帛裏繫之

又方燒自死蛇一枚令焦為末內瘡孔中

又方鼠屎為末以臘月猪膏和傳之外臺方云用鼠屎

○一犬猪膏

又方飲生薑汁一升小品方云治狂犬文韭汁亦佳外臺方云云治已瘡後復發者

又方水洗瘡任血出勿止之水洗不住取血自止以絲裏之瘡四五

又方以沸湯和灰塗瘡上

又方燒犬尾為末傳瘡日三

又方以頭垢少少內瘡中

又方火炙蠟以灌瘡中

又方以熱牛屎塗之佳

又方以苦酒和灰塗瘡中

治小兒狗啣方

月一日以水一升灌之勿令狗主打狗若月盡日三升水灌之

灸法

凡獠犬所啣未盡其惡血毒者灸上一百壯已後當日灸一壯若不血出刺出其血百日

治猪啣方

松脂鍊作餅上貼之

又方屋雷中泥塗

○孫真人備急千金要方卷之七十六

十五